

華威頓泰西史略

一函
四冊

華盛頓泰西史畧卷七

謀執晏魯兒 定議攻紐約

華盛頓時密令馬祖牙厘誘擒晏魯兒。厘部下馬兵將校故毡里牙人專侵皮。年二十四有勇多謀。厘誘令偽作逃卒。往投晏魯兒麾下。密結死士生縛之。絮塞其口。由乞臣出巴賤山路馳回。華盛頓然其計。許之。專侵皮慮為巡邏所獲。厘約以發覺時。緩發追捕。十月二十夜十一點鐘。專侵皮伺更闌人靜。竊廐馬而出。厘甫就枕。值日急頓。艱示忽報有人竊馬而逃。厘佯以為附近居人不問。旋急頓稽查營內。又報亡失旗長一人。并攜行李軍器號簿而去。厘故延一點鐘。侵皮去已遠。乃令干列滅道。頓連夜追躡。見有人馬跡。即下馬尋驗。黎明至山頂。去侵皮只半里。侵皮見追者將及。乃急投巴毡英船。干列滅道頓只隔二三百碼。見侵皮已躍馬越澤登舟。乃還。侵皮到紐約投晏魯兒帳下。日久漸親。密結同志。謀伺晏魯兒靜夜游息花園時劫之。約厘先率馬卒三人馬三匹至折爾西合卜近林中相待。厘如期往。至黎明侵皮猶不至。乃還。已而知謀定前。一夕晏魯兒率亞美利加逃兵及侵皮移營別所。故謀不成。侵皮已復逸回。華盛頓愛其勇忠。益善遇之。時南部統將結示全軍失喪。聲名大減。議會令華盛頓派員代之。並開堂查訊。十月五日華盛頓派忌連利代其任。令巴倫

賜示答伴同往查辦。凡與傑頓戰事諸將，概不得陪審。忌連利辦理此事，極公正敏
捷。是時英將沙特卿之姪馬租牙都司加列頓之軍，糾合歐洲人、印度人及王
政黨，由根拿他侵紐約北境，擾華盛頓糧餉諸地，奪烟利佐治兩砲臺。沙專專臣亦
偕左些文罷蘭集野人焚切摩曲河，示高蝦利哥父那華架二村。四處驚惶，加分拿
之類，忌鈴頓率鄉勇擊之。未到溫兒連些拿鄉，勇已先擊退摩曲村落，悉遭殘破。兵
華盛頓現派忌鈴頓之弟總兵占示忌鈴頓接統北軍。時因募期短促，士卒甫習戰
陣，便及瓜期，故軍氣漸即衰弱。華盛頓致書議會言：當今大變，非各邦通力合作，廣
儲軍餉，招募勁兵，寬定募期，勤加訓練，難期底定。大難如於緊急時，暫募為合之衆，
以應急。甫知步伐，又期滿散去，則軍餉虛糜，而兵亦終無精勁之日也。華盛頓再三
論列，議會良久乃許定議。自後將弁士卒，均令始終其事。事平後，給半俸終身，以作
士氣。馬歸示諸那非爺所統華盛頓麾下前軍步卒六隊，其將士衣履較別軍鮮
明。皆新自法國購到之皮盔馬尾翎，窄袖衣將校皆用新式，手施鎗佩短刀，軍容壯
麗。那非爺見軍氣不揚，勸華盛頓一出奇兵，以厲士氣。言法國亦頗以亞軍不自振
作為歉，請先取紐約島北華盛頓砲臺一帶營卡，然後直攻紐約。華盛頓素性穩慎，
以其少年血氣，行險僥倖，利少害多。答云：吾意在多備器械，簡練士卒，蓄銳養精，審

度敵情待士氣大張相時而動方為萬全之策不然恐欲速反遲也華威頗恐拂那非爺意乃令法國機匠哥分探乞臣對岸敵營形勢議潛襲之忽聞敵艦數艘新至乞臣其計又阻獨示打額將軍率二千五百人畧溫車示打府都司他兒滅治率馬兵八十人由于捏底吉渡明族倫於十一月二十二晚旁出哥南焚左治砲臺俘守兵五十二人而還未失一卒議會錄其功特獎賜之十一月杪諸軍擇地宿冬賓夕爾勒尼安兵紮摩利示當折爾西兵屯巴吾頓紐倫敦兵屯威士潘及高山各隘紐約兵屯亞兒班利扼加拿他孔道法國兵艦仍留紐碁獨篤阿文羅禪之軍屯干捏底吉之臘巴倫華威頓大營紮於乞臣之紐溫梳各按兵不動

南方之戰 京示山之戰

剛窩利示在南喀爾勒拿擊破結示心麻後意謂南方可次第削平因天時酷暑士卒多病留屯襟頓以待輜重新兵誘北喀爾勒拿王黨截擊結示餘軍派都司畢地溺花架臣率生力軍一千二百名輕騎赴驚吉打罷及逸乾山中騷擾民黨招募鄉勇畧定其地然後赴差律地及覓運卜城與剛窩利示會時戰事稍息剛窩利示忽出奇法將北喀爾勒拿人民之在亞軍者田產悉查入官分其出產之半給養家屬餘盡以充兵費在途截得亞軍輜重中有植兒示當窩室與亞軍往來書札以為通

敵因之獄船押回父羅列打之失阿加示頓監禁近日臨陣得虜身畔有英國護照及沙軒利忌鈴頓六月三日告示者悉擬以縊刑剛窩利示素性仁惠本不喜為此苛暴因南方戰事王黨與民黨搆怨甚深不得不以極刑報復也剛窩利示由礮頓拔營往定北喀爾勒拿與沙軒利忌鈴頓發往故毡里牙之兵預約畧定故毡里牙後至北喀爾勒拿會合在差律地暫留以待花架臣之軍是處山深林密道路欽嶮居人多民改黨剛猛好鬥常伏林菁中擄奪剛窩利示輜重劫殺驛使剛窩利示與花架臣消息以致不通花架臣本為交結人心而來所結皆王黨亡命與民黨冰炭不睦遂遇左治牙邦參將衣利楂渠律攻阿鷄示打英軍不勝退回北喀爾勒拿山中花架臣匿於幾兒別當境上木屋中截其歸路據英史云是時山中獵戶約六百名猛寂聞不動忽有勁軍自山中突出皆喀爾勒拿及左治邊境山中獵戶約六百名猛悍朴野長於騎擊將領六七十人統率伏於花架臣營左近亞人參將衿卑兒及般領根得忌野族及亞瀾根禮示西境鄉勇一隊在阿鷄示打劫奪印度人貨物聞渠律軍敗回亦立馳至是時九十六縣農民惡花架臣之軍騷擾架蘭非兒府參將占示威林因糾合而出參將衿卑兒忌利化連些兒被誘非牙等亦各統阿兒示頓河色威兒示谷鋪地脫輝吾割示兒故毡里牙等處鄉人之善騎射者約三千人不期而

至四面雲集。花架臣自知困於垓心，急引軍赴剛窩利示營，且馳書告急。不意在途為鄉軍所截，不得達。花架臣甫自幾兒別當拔營啟行，諸軍已四面合圍。馬步並進，士卒未具軍裝，皆服農衣，微服執長鎗獵刀，頭插鹿尾，長春草，粗暴朴野，無輜重之累。所至飄疾。聞花架臣由差硃基趨北喀爾勒拿，騎兵即約九百人追之。弱者留後，威林衿卑兒時雖有統領諸軍之名，而若輩皆烏合鄉民，不識軍律，紛紛糾雜分途雜進。是夕諸軍冒雨趨行，黎明過步律河，雨止天霽，未見英軍蹤跡，遂暫止早餐。士氣甚厲，至九點鐘起行，又聞花架臣已取道往京示山，去此只十二里至三里內偵探，又報英兵已至京示山頂，據守險要。京示山脉從大澤隆起，長約半里，北面皆峻領懸崖，西南東三面則斜坡連邐，古木槎枒，黑石礪礪，下無荆棘，可以騎行。諸將載行載謀，過小溪舍，騎入谷，繫馬林中，留兵護守，分三隊而進。衿卑兒率中軍，些兒被副之。詩非牙與墨都威兒居右，忌利化連與威林示活居左。仿山林陣法，離落而上，雖無號令，而人自為戰。軍鋒甚銳，小有挫敗，即避入樹後，旋退旋進。衿卑兒候左右兩翼已據便地，乃率中軍突陣，約四點鐘時，左路忌利化連與威林示活之軍發砲馳逐，英軍哨卒敗至山尖。衿卑兒兵至山坳，英軍鎗彈如雨，不能前進，乃麾兵伏匿樹下。然鎗狙擊，花架臣以短刀格鬥，亞軍未有鎗尾刀，退出林外。左路兵復從旁橫

擊小却而右路逃至英軍短兵相接人皆死門奮厲無前亞軍更奮迭進花架臣軍應接不暇死傷枕藉乃紛紛敗遁山後花架臣往來督戰中彈昏仆所乘白馬奔逸下山其副將力感知不可脫乃豎白旗乞降是日英軍陣沒一百五十人傷者如之亞軍死者二十人傷者甚衆九十六縣統兵官占示威林忠勇果敢戰沒其俘虜英軍八百一十人中有王黨百餘名次日開軍法堂悉臨殺之以報前日襟頓之怨是役也遠近鄉人皆不期而集又無將帥指揮徒以積憤之氣而收此奇功挽回南方大局是亦天意非人力也剛窩利示聞花架臣全軍覆沒不敢進兵北喀爾勒拿時各軍乘之十月十四夜遂棄輜重二十餘車遁回南喀爾勒拿之溫示波羅父時霖雨連日水漲路滑軍行艱苦糧糈將盡沙軒利忌鈴頓未知敗信又發總將厘示利統一軍往故毡里牙助剛窩利示軍行至車濕碧剛窩利示恐又為鄉勇所困急遣律兒翼頓止之自京示山大捷義士所在蓬起總督兒律列治前舉化冷思示孖利安為總將年約十五短小精悍敏捷多謀近糾集鄉人營於必地及黑海大澤中士卒俱豪健耐勞日食淡肉荷蘭薯衣履襤褸轉戰而出攻下楂兒示當隣近一帶營卡斷其與襟頓往來消息大戰一次即退回巢穴不出英人畏之呼之曰軟地狐其鄉人咸服其威後智畧以為南方之驛馬英將他列頓欲誘出巢穴擊之領馬步

一隊至華打厘東岸，敕地狐堅守不出。他列頓畫則分兵三五散居，夜則聚宿一所，示弱以誑之。孖利安不悟其詐，黎明引兵擊之，已而覺其有伏，急急引還。他列頓伏兵四起，在澤中奔追七時，擄去數人。他列頓猶追擊不止，忽得剛窩利示檄，謂他列頓收兵回營。孖利安乃得脫出。先是，心打自華打利敗後，復募鈐軍於山地之西，陣斬英將一人，直渡步律海，與叅將渠律及罷蘭倫會攻九十六縣英軍。剛窩利示患之急，調他列頓往烟羅利河擊心打之軍。心打聞他列頓將至，急引兵渡河。他列頓追之後，隊小挫，乃向梯架河而退。梯架河湍流悍急，心打料敵不能猝越，不意我軍未渡，他列頓精騎百七十名步兵八十名已至。心打乃止軍步溺示窩山，列陣迎敵。山前帶小溪，後負梯架河，左倚馬房，頗擅形便。他列頓後隊未到，息軍對山解鞍牧馬。心打乘大隊未至，猛擊之，不利，敗還。英兵逐至馬房，亞軍鎗彈一齊噴出，英軍大創。他列頓怒馬斫陣，仍不勝。適日已暮，乃棄死亡收兵而退。是日亞軍死者三名，傷四名。心打胸際受傷，知次早他列頓後隊至，必再來攻。遂寅夜引兵渡梯架河，自坐車床而去。餘軍散處林中。心打孖利安交戰時，結示在希兒示波羅父收集敗卒，意氣沮喪，忽接更代之信，又聞所生獨子殤亡，憂感交集。華威頓素重其才，憫其阨塞，抵書慰之。結示得書，悔愧交集，徘徊繞室，感華威頓厚誼，頌不絕聲。深悔從前侮慢之

非矣。忌連利留巴倫，勸示答伴守故毡里牙。急米買軍實，招募新軍。於十二月二日，抵差律地，接統結示之衆，議會以開軍法堂查辦。結示一案，軍中陪審之員，又念結示百感交攻，神色悽楚，令暫緩查究，全其廉恥。結示亦以証據未備，請其展緩。事遂寢。惟未經查明以前，不得授職。結示即回故毡里牙故宅。忌連利既統其衆，點驗士卒，不足二千三百人，多屬鄉勇。軍情沮喪，畧無紀律。營幕軍械，亦朽鈍不備。日以游牧為食。適叅將華盛頓統馬兵一隊出截英軍糧食於襟頓十三里內，探得王黨兒碌架利統鄉勇一隊，屯於忌利捫馬房內。外樹欄柵，馬兵不利進攻。叅將華盛頓舍騎步行，伐松樹為砲形，輦負而進。兒碌架利見之大恐，所部百二十人悉降。得此小捷，士氣稍壯。忌連利至營，整飭營伍，精心獨運，不避艱難。未嘗與諸將商議，惟擇能者數人，相為佐理，以差律地屢遭劫畧，糧食空虛，乃分軍為二，以遊擊敵。沽所統之洲兵四百，急頓地列部列及鉄地之故毡里牙鄉勇二隊。叅將華盛頓馬兵百名，共千人。交總兵摩近統領往南喀爾勒拿九十六縣之碧高列及部律河發源處，聯絡鄉勇，自將一隊由沙漠赴必地河東，車羅山對岸。車示打非兒邑之希益示溪，二十六日營壘粗成，即分軍往襲個羅示溪，奪取下流糧餉各地。

華盛頓聞英軍意在畧定南方。自知責任重大。各處均望應援。頗滋憂慮。遺書化洽。健駁威思利公使。述其鬱抑。謂前因水師不至。致鄉勇解散。不能合攻紐約。坐令英軍以全力畧定南方。致我南軍失利。甚堪懊惱。云云。沙軒利忌鈴頓因黑示將軍屯車濕辟之軍。為剛富利示調往。揔兒示當。十二月二十日。令晏魯兒統一軍往故也里牙。接代該軍內有普魯士國英吉利難軍一千七百人。沙軒利忌鈴頓忌晏魯兒反復無行。難以重信。令敦示卜及閃樞兩參將副之。令其焚劫故也里牙糧食。糾集王黨。與剛富利示合軍。華盛頓見紐約英軍全萃南方。亞人救援甚急。麾下軍勢散漫。一時無可調之軍。兼以紙票跌落。商民交困。軍餉日絀。乃重定新章。抽收貨物。邦人太譁。不從。偶有富室集貲捐助。終不濟事。華盛頓籌思無策。乃建議向外國貸款。十二月二十八日。議會遣游擊專羅連示暫充元帥。傳令官與華盛頓商。越威思利借貸國債。羅連示未行。而兵變事起。望款益急矣。先是賓夕爾勒尼安之兵六隊。聚於摩利示當。久歷艱困。今以三年期滿。紛紛請退。諸將以其甫經練習。遽聽其去。將終無可用之兵。誘令俟戰事平定。乃許散歸。由是軍士大譁。正月初一日。衆兵鼓噪。夜中陳戈而出。聲稱將赴議會。討索紙票虧累。將軍威吾利反復解慰。鼓噪不止。調別軍三旗鎮壓之。亦為亂黨所脅。突增至一千三百人。遂推小枝為首。劫營砲六門。向

費爾治尼阿威吾利惡英人來我兵叛急派折爾西軍一營及鄉勇防守添發砲
報警各營飛報議會及華盛頓恐叛兵沿途搶劫仍送糧食給之身率素得士心之
衆將畢道拿示都活軍騎安撫之沙軒利忌鈴頓聞我兵變果陰遣人賁財賄招撫
叛軍正月三日威吾利等至威道曲追及叛軍主將威吾利傳各叛將許以重賞官
職諸將皆服獨中軍叛將不從叛軍進至皮連示頓遵循軍律所遇無犯獨留威吾
利畢道拿示都活三人不得出聲稱將往攻敵不願受舊將節度那非命失其利牙
及新簡駐法國公使衆將魯連示往撫之至營一日即為驅出議會聞兵變大驚派
賓夕爾勒安議會主席兒列率同會員帶馬兵一隊往靖其亂至地連頓先抵書成
吾利約於午後四點鐘至皮連示頓四里內相見許補給紙票虧累兒列知那非命
與失其利牙曾受叛兵凌侮不敢操機威吾利得兒列書宣示於衆衆心頗安恐兒
列到營受侮許於次日往見適沙軒利忌鈴頓密遣人至營誘脅叛黨差爲宴魯兒
之行皆畔本國遂執交威吾利俟兒列議不成然後釋放威吾利陰察叛軍反意未
堅尚可迎機開導即偕兒列至營會議許期滿三年之軍各歸田里照數補給紙票
虧累發給憑票無衣者給衣叛兵乃服將所獲敵使二名縊於地連頓無威頓以辦
理寬縱將來別軍必至效尤深非之至正月二十日折爾西軍之在舖吾頓者果陳

兵鼓噪欲照叛軍之例索紙票虧累幸中多外邦士卒附和者寡不敢遽叛華盛頓慮從此各軍聞風而起思縛為首者一二人痛懲之令都統威率麻沙朱舌士軍賁夜疾至亂軍營乘其未起奪其軍器勒令五分鐘縛為首者交出立斬兩人始復安堵一千七百七十五年如中國學士之稱鴛墮士之稱

六年經議會序訂准一千七百七十七年增改因一邦意見不合遲久未定今增刪告成華盛頓以為國本所係即將來與歐洲各國定約之胚胎深為慶幸致書議會主席稱賀晏魯兒之軍出海遇颶大砲馬匹多遭沈溺冬末尚寄泊於車濕碧時故毡里牙守將示答伴之軍多分往南方援應忌連利防禦甚疎巡撫遮化臣聞英船至召鄉勇禦之而人心驚惶倉猝不能成軍晏魯兒率水陸九百人於正月四日渡占示河至故毡里牙會城兒列治文下二十五里之威示滔化上陸此時兒列治文雖會城僅一村落晏魯兒欲乘間襲執遮化臣遮化臣覺之布置防軍後即於前一夕乘騎往德加號攜眷而逸日午回占示河對岸之溫車示打時晏魯兒兵已入埠又佯遣居民致意言若許其船至占示河捆載烟草則不肆焚劫遮化臣不允遂縱火焚燒屋宇擄畧菸葉而去又派參將閃高趨河上六里威示磴焚燬鑄砲局及糧草倉庫晏魯兒劫畧後再由威示滔化下船沿途蕩劫示答伴偕厘兒臣追之至河

下小戰晏魯兒軍戰沒數人傷創甚衆乃退回囉獲對岸之砦示茂父建營駐守示答伴欲收合鄉勇擒之以兵力不足而止華盛頓以軍久無功用度浩煩機事不密皆由公會立法未善事權不專屢請設外部兵部水軍部戶部尚書一人總領庶務庶責有專歸在己亦可稍輕負荷議會然之蘇利分探華盛頓意欲舉其傳令官於將堪美兒頓為戶部總理華盛頓覆蘇利分函亦盛稱堪美兒頓必能稱職後數日華盛頓在樓呼堪美兒頓與語十分鐘不至華盛頓怒責其無禮堪美兒頓不悅請辭去已而華盛頓自悔一時憤怒失當慰留之而堪美兒頓久薄傳令官恐異時失權反傷平日之好遂力求退

樞偏示之戰 幾兒閣之戰

去歲十二月杪忌連利軍於北喀爾勒拿之必地河東摩近軍於南喀爾勒拿碧高列部律二河匯流處剛富利示屯於非亞非兒邑之溫示波羅父當忌連利營南七十里厘示利自故毡里牙率一千五百人至括兒示當會剛富利示留律律兒莫頓守襟頓與厘示利移屯忌連利營與故毡里牙之中斷我援應乘忌連利兵寡逐出北喀爾勒拿又聞摩近近由吉打罷渡部律河取道赴九十六縣在西北七十里剛富利示慮截其後派他列頓率騎兵三百十五名砲兵步兵各一隊營砲二門精卒

一千一百人擊之。剛窩利示於十二月十二日。統中軍移營西北。部律河與吉打羅之中。截摩近歸路。為他列頓聲援。是時風雨瀟灑。河水盛漲。他列頓苦行數日。過行近軍。營於碧高列之北。河上馳報。剛窩利示言。檄勒兵渡河。逼摩近自退。請剛窩利示進。也部律河東岸之德忌坑策應。時摩近新增北喀爾勒拿及左治牙鄉勇。眾與他列頓等。而馬兵不及其精。聞剛窩利示在左。恐乘其後。即從碧高列渡。部律河而退。他列頓急追十五里。夜至摩近棄壘。見金翼猶然。魚肉頗飽。半熟。知其去不遠。小息。即留輜重在後。飛騎奔追。十七日天未明。擒哨騎二名。知摩近在前方。秣馬拒戰。其時摩近部下咸欲過河。避入山中。因他列頓追急。摩近恐至半渡。為其所乘。且軍數相若。不戰而遁。亦甚羞之。至檄拿示。樞偏檄拿草場。見其地平行。林木圍抱。便於擲戰。旁有兩小山對峙。中隔八十碼。第一山高三百碼。徑路寬廣。摩近即止軍其上。列二陣以待。參將辟健統南喀爾勒拿鄉勇居前。北喀爾勒拿及左治牙民兵未經戰陣者居後。鎗皆持滿。外向。俟敵近。齊擊。然後退回。以參將敲活步兵故毡里牙鎗兵為二隊。陳於山旁。為前陣接應。戒以聞頭。隊兵退勿許驚擾。參將華威頓馬兵八十名。與都司墨哥兒之喀爾勒拿民兵五十名。各執長刀手鎗。列於二隊之後。斜阪上。正月十七日早。約八點鐘。他列頓以我軍未得地利。輕之。不待後軍至。即麾步騎

夾進留其半在後接應大呼直前北喀爾勒拿及左治牙短鎗隊先與敵遇相去五十碼放鎗一輪退入辟健鄉勇陣旁敵軍迫入二隊以四十騎馳突旁翼鼓活恐傍翼不支揮前隊趨右助戰一時號令不明兵士紛退摩近馳入陣前塵兵退出山後招參將華盛頓騎兵上前逆戰英軍初以為大勝及見參將華盛頓軍大驚奔潰鼓活步兵自後蹶之短刀格鬥英軍大敗砲兵進前保護大砲者擣斬多名奪獲大砲旗幟無算他列頓欲收殘兵再戰而軍士落膽不聽將命紛紛退入林中僅得將領十四名騎兵四十名在後衛護復與參將華盛頓騎兵猛戰數合敵活步隊又至他列頓知不能勝即偕左右數人策馬而遁是日英軍陣亡將領十人士卒百餘人傷者二百人俘者五六百人亞軍戰死十二人傷者六十人奪獲營砲二門大旗兩竿鎗八百枝隨軍軍器車一乘輜重車三十二輛異兵七十名馬百餘匹樂器一部其餘行李敵人自行燬棄摩近以剛窩利示之軍相去僅二十五里料必來援即令參將辟健領鄉兵一隊留此掩埋骸骸調理傷兵午後即退回吉打罷河至部律河車碌幾渡口日已曠宿於北岸十八早黎明乃渡參將華盛頓追敵還與辟健共創卒歸入大軍其創重者樹免戰旗留此養傷剛窩利示在德忌坑日盼他列頓提音十七日晚敗卒至營剛窩利示猶詫疑未信次早他列頓至乃知全軍果沒並妥稱

摩近有兵二十人剛窩利示見鄉勇日盛，大恐，留德忌坑二日，收集敗軍十九日，壓示利軍至，即引軍赴京示山，窺摩近蹤跡。料摩近奪獲甚衆，行道必遲，派輕騎由別道邀之。赴吉打罷河，按英史云：是時剛窩利示追軍，馳驅迅疾，迥異尋常，不意至吉打罷河，摩近已先兩點鐘而渡。時連夜大雨，河水陡漲，追兵不能越，盤旋數日。摩近已調集覓連卜兒魯彎等處鄉勇，扼守津口矣。剛窩利示軍行李滯重，兼以途路泥濘，溪澗深阻，二十五日乃至吉打罷南河之兒能疎美兒。聞摩近已渡，遂止。剛窩利示因他列頓之敗，精銳大損，士馬疲敝，留兒能疎美兒二日，揀行李之粗重者，悉行焚燬，以抒士力。忌連利得摩近捷書，大喜，報捷華盛頓，并言晏魯兒近統兵艦自威兒命領上陸，將伐非邪海角。合剛窩利示之軍，此時不獨摩近望援，又須阻敵人合兵之計，立派示地分率故毡里牙鄉勇_{萬期將}護摩近，俾虜回故毡里牙之差律地，示威兒，并囑故毡里牙及北喀爾勒拿巡撫派兵衛送。又令示答伴些兒被襟卑兒各率所部往京示山，各立奇績。令曲架將軍統必地之軍，速赴沙厘示罷利，聯合別軍。忌連利自率傳令官一名、鄉導一名、馬兵一隊，馳往摩近大營，招集鄉勇，會諸軍迎擊。剛窩利示所過百里，崖壑巉絕，徑路嶮巇。正月三十日至吉打罷河東，須律渡口，摩近大營英軍正對河而營，僅隔數里。時河水漸渴，隨時可渡。忌連利料剛窩利示

必在急非亞與晏魯兒會軍後乃進擊乃促曲架乘晏魯兒未到擊破剛窩利示已而探知自成兒命頓上陸之軍非晏魯兒所部乃由揔兒示當發往南方為剛窩利示建軍庫小隊忌連利聞英軍自燬輜重料勢不久留乃定計不戰但以輕兵擾之使不得他顧俾曲架之軍無阻敵至則退敵去則進更番以疲之自謂深得葉風頓制敵之法吉打罷河水日淺計剛窩利示日內必來忌連利令摩近於三十一日引軍遁去自以鄉勇五百名殿後以二百名扼守各渡令打肥臣之鎗隊三百名窺敵舉動相機逆擊囑令若敵兵奔回慎勿搦戰即退回十六里之沙厘示罷利合入正軍布署既定三十一日晚剛窩利示果引軍渡河令叅將威業示打與他列頓率小隊由必地大道渡河牽制打肥臣軍自率大軍由十六里之下偷渡夜一點鐘起行黎明至河上見對岸打肥臣營中燈如繁星知我已有所禦是處河身闊約五百碼深約三尺湍流悍急大石聳峙英兵緩附而行叅將呵兒當前步兵隨後繼厲以進是夕陰雨霏霽水聲淅淅軍濟將半亞軍覺之三次然鎗試擊英軍寂然不應鄉導恐懼奔回正隊皆匍伏斜行呵兒獨從水深處登陸亞軍盡起自暗中然鎗逆擊傷英兵三十六人斃三人呵兒亦中九卒打肥臣引兵憑河逆擊兵未成列英軍已列陣接戰亞軍不勝傷亡四十名餘皆潰散打肥臣勒馬奔回為飛彈所仆忌連利聞